

Санкт-Петербургская  
православная духовная академия  
*Архив журнала «Христианское чтение»*

**П.С. Смирнов**

## **Переписка раскольнических деятелей начала XVIII века**

*Опубликовано:*

*Христианское чтение. 1909. № 3. С. 403-420.*

© Сканирование и создание электронного варианта:  
Санкт-Петербургская православная духовная академия  
([www.spbda.ru](http://www.spbda.ru)), 2009. Материал распространяется на основе  
некоммерческой лицензии [Creative Commons 3.0](https://creativecommons.org/licenses/by/3.0/) с указанием  
авторства без возможности изменений.



СПБПДА  
Санкт-Петербург  
2009

Переписка раскольническихъ дѣятелей начала XVIII  
вѣка \*).

VI.

Письмо Евстрату Θεодосіеву <sup>1)</sup>).

Вслюбезнѣйшему господину Евстрату <sup>2)</sup> Θεодосѣвичу, съ любезною ти и единоревнительною <sup>3)</sup> дружиною, всебратственно о Христѣ Ісусѣ радоватися <sup>4)</sup>.

Понеже паче бури сладчайшая тишина, и паче тмы солнечное видѣніе <sup>5)</sup>, и паче слѣпоты видѣніе, всякому любезнѣйша есть и сладчайша <sup>6)</sup>,—сице бурливаго раздору сладчайшій миръ, и темныя ненависти прекраснѣйшая <sup>7)</sup> любовь, весьма прелюбезнѣйша есть, и полезнѣйша, всякому здравѣйшему уму желательнѣйша суть <sup>8)</sup>, чесога вседушнѣ <sup>9)</sup> искати апостольскими и пророческими вѣщаньми повелѣваемы есмь мы <sup>10)</sup>,—вопіюще апостолу: миръ гоните и святыню, и пророку заповѣдающе: взыщите миръ и пожените и <sup>11)</sup>. Откуда и мы, грубіи, яты <sup>12)</sup> сея любви любленіемъ

\*) Окончаніе. См. февраль.

<sup>1)</sup> Рукоп. И. П. Б. О. I. 369, лл. 82—82 обор. Варіанты по рукописамъ: а) И. П. Б. О. I. 358, лл. 93—94; б) Олонецкой семинаріи № 1691, гл. 14; в) В. Г. Дружинина № 149, лл. 78 об.—79 обор.; г) Владимірской семинаріи № 75, гл. 52.

<sup>2)</sup> 358. 149: Евстратию

<sup>3)</sup> 75: единоревностною

<sup>4)</sup> 75: и всебратственно о Христѣ радоватися.

<sup>5)</sup> 75: сіяніе

<sup>6)</sup> 75. 358. 149: любезнѣйше есть и сладчайше

<sup>7)</sup> 75: прекрасная

<sup>8)</sup> 75: есть

<sup>9)</sup> 75: чего вседушнѣ. 358. 1691: чесога вседушевнѣ

<sup>10)</sup> 75. 358. 1691: повелѣваемы есмь

<sup>11)</sup> 75. 149. 358. 1691: взыщи миръ и пожени и.

<sup>12)</sup> 75. 1691: яти

и сея церковныя сладости желаніемъ понуждаеміи, — брата отпустяхомъ къ вашей любви съ писаніемъ нашимъ, въ которомъ добръ разсмотрится и боголюбивымъ разсудити <sup>13)</sup>, о мирѣ церковномъ порадыти просимъ твою любовь <sup>14)</sup>. И съ посланнымъ симъ братіи нашей <sup>15)</sup>, труды для мира церковнаго воспріемлющимъ, яви любовь любве ради Божіи, и что вашей любви разсудится <sup>16)</sup> противу нашего писаннаго <sup>17)</sup>, миръ или отвѣтствованіе, благоволите по братѣ семъ къ нашей грубости отписать. Богъ же мира и любви да дастъ миръ и любовь въ сердца ваша и наша, и сохранить ны отъ вселютѣйшаго діавола нападенія. Аминь.

## VII.

Посланіе на Ряпину мызу <sup>1)</sup>.

Странствующимъ богорады въ новозавоеванныхъ селитвахъ, о древнемъ благочестіи подвизающимся, учащимъ и учимымъ <sup>2)</sup>, возлюбленнымъ мужемъ и братіи о Христѣ Ісусѣ, радоватися.

Ничтоже тако исконному врагу навѣтовати потщательно, яко еже церковное соединеніе разоряти и христіанское совокупленіе расколоти. О семъ бо паче <sup>3)</sup> вселукавый подвизается и зельною яростію на христонменитое достояніе дышетъ, раздоры <sup>4)</sup> разсѣкая тѣло церковное; и иже другъ другу спомоществовати и сѣдѣловати долженственныя, сія другъ на друга всековарный <sup>5)</sup> лщеніи своими сражаетъ, и ратовати и угрызати наваждаетъ прелукавый, вѣдмый преокаянный, яко въ раздорахъ и въ разгласяхъ многа волкоядина овцамъ произыти возможетъ, и въ прогнѣваніе Божіе можетъ многія многажды сими вринути. Иже въ словесѣхъ или въ дѣлѣхъ истинный <sup>6)</sup> погрѣшающіи, и въ такова тимѣ-

<sup>13)</sup> 75. 1691: и боголюбивымъ разумомъ разсудити

<sup>14)</sup> 75. 149: просимъ твоей любви

<sup>15)</sup> 75: братѣмъ нашимъ

<sup>16)</sup> 75. 149. 1691: вразумится

<sup>17)</sup> 358. 1691: писанія

<sup>1)</sup> Рукоп. И. П. Б. О. I. 369, лл. 82—91. Варіанты по рукописямъ: а) Олонецкой семинаріи 1691, гл. 7; б) Румянцевскаго музея 2555, лл. 247 об.—254; в) Румянцевскаго музея 1252, лл. 100 об.—109; г) В. Г. Дружинина 149, лл. 145—148 обор. д) И. П. Б. Q. I. 1089, лл. 15 об.—18.

<sup>2)</sup> 149. 1089: и учащимся

<sup>3)</sup> 1691. 1252. 2555: паче всего

<sup>4)</sup> 1691: въ раздоры

<sup>5)</sup> 149. 1089: вселукавый

<sup>6)</sup> 1089: истинныи

нѣя <sup>7)</sup> вложить возмогаетъ омраченнѣй, яко не познавати <sup>8)</sup> своего имъ вонстину <sup>9)</sup> сопротивленія. Якоже на святаго Евфросина возставшіе древле псковичи за пресвятую аллилуію—возмнѣвши они иногда о истинѣ ревновати, на истину ратоваша и хулиша грубосмысленнѣй. Чесо ради и божественнѣй Златоустъ, во еже на посланіе къ Ефесянамъ въ нравоученіи 11 сѣце глаголетъ: „ничтоже тако раздражаетъ Бога, яко еже церкви раздѣлитися“. И такова убо и толь тяжка расколовъ церковныхъ бѣда—оле, жалостнаго плача! Не мину сѣ губительство бѣднѣ терпящихъ о благочестіи христіанъ; не мину о церковномъ благовѣрїи страждущихъ, а церковныхъ <sup>10)</sup> преданїи раздирающихся. Еже и ваше братство, въ прешедшее время, жалостное разодраніе со иже въ поморскихъ странахъ пустынножителни, проповѣдасте <sup>11)</sup>. И мнози отъ пже вашей лобызающихъ тяжкими хулами (за оная, яже въ насъ безпремѣнно <sup>12)</sup> и безиръбавочно древлецерковная преданія соблюдаема) навходяще <sup>13)</sup>, и грубѣ и несмысленнѣ ересію, содержаемая святыми, порицающе. За что не безъ плача минуемъ о таковыхъ душахъ,—о, грубосте <sup>14)</sup>, въ противленіе святымъ впадающимъ <sup>15)</sup>,—и слезимъ гибели таковыя и хулы таковыхъ жалостнѣ снѣдаемъ, и Господа Бога молимъ просвѣтити имъ умныя зеницы, во еже согласатися съ содержаніемъ святыхъ и не ратовати на древлецерковная преданія. О чемъ и ваше братолюбіе молимъ соблюзновати о христоименитыхъ людѣхъ. Что бо умствують, иже грубостію послѣднею содержимїи? въ ересь тяжкую <sup>16)</sup>, глаголють, поморскіе пустынножителни впадаша, не пишуще <sup>17)</sup> на животворящемъ Христовѣ крестѣ четырьми буквами, сѣце <sup>18)</sup> знаменующими Пилатомъ написанную титулу „Ісусъ Назарянїнъ Царь Іудейскїй“. Оле, тяжкія таковыя хулы: услышимъ и вонемемъ, мужіе и братіе, вонемемъ и боимся, да не впадемъ въ таковыи злохулительства ровъ. Во всю вселенную, елико бѣше священныхъ жертвенниковъ водружено <sup>19)</sup>, предана отъ святыхъ во всѣхъ церквахъ на антиминѣ животворящїи крестѣ воображати и подписувати

<sup>7)</sup> 1089: таково тѣмъное

<sup>8)</sup> 1089: не познаватися

<sup>9)</sup> 1089. 1691. 149: имъ на истину

<sup>10)</sup> 1691. 1252. 1089: и о церковныхъ

<sup>11)</sup> 149. 1089: здѣсь пропускъ до словъ: „И сѣцеваго во христіанъ“

<sup>12)</sup> 1252. 2555: непременно

<sup>13)</sup> 2555: надходяще. 1691: надходящее

<sup>14)</sup> 1691. 1252. 2555: отъ грубости

<sup>15)</sup> 1691. 2555: впадающихъ.

<sup>16)</sup> 1252: тяжку

<sup>17)</sup> 1252: не пишущимъ

<sup>18)</sup> 1691: сѣце: І. Н. Ц. І.

<sup>19)</sup> На полѣ: „Большой Потребникъ печатной“.

„Царь славы, Ісусъ Христосъ <sup>20)</sup>), ника“. Сія же четыре буквы не предано вообразати. Подобнѣ и на водружальномъ крестѣ, тоже и на святомъ Агнцѣ въ тайнодѣйствѣ Тѣла и Крови Христовѣ <sup>21)</sup>). Еще же и во Уставѣхъ на Панагирномъ <sup>22)</sup> хлѣбѣ тако предано вообразати. Сиде убо преданіемъ святѣйшею церковью предано и священными старописьменными <sup>23)</sup> книгами засвидѣтельствовано; сиде самъ Христосъ равноапостольному царю Константину на небеси крестъ, кромѣ сихъ четырехъ буквъ, показа. Иже и онъ, по образу, показанному на небесѣхъ, три кресты сотвори, кромѣ сихъ четырехъ буквъ, якоже старопечатныя книги, Прологи, засвидѣтельствуютъ. Сиде святѣй Никонъ Черныя горы въ своей книзѣ <sup>24)</sup> отъ вселенскія патриархин прія повелѣніе кромѣ сихъ буквъ писати честныя кресты. Сиде въ російскѣй патриархин и архіепископіяхъ и въ монастырѣхъ, по повелѣнію благочестивыхъ святителей и прочихъ настырей, до Никона бывшихъ, и многихъ святыхъ, на Распятія <sup>25)</sup> кромѣ сихъ буквъ подписанія имѣются быти, о чемъ премножество свидѣтельствъ, и иже <sup>26)</sup> въ *другомъ* отъ насъ писаніи засвидѣтельствовано. Тѣмъ же гаждающіе ересію непишущіе четыре сія <sup>27)</sup> буквы на животворящемъ крестѣ хульствуютъ на вышепоказанное святыхъ церковное преданіе, и вопіющіе— не имѣти ни части, ни жребія за ся, грубостію своею, отъ части святыхъ, тако вообразившихъ и предавшихъ вообразати святыя кресты, отлучатися дерзаютъ; аще ли еже приводятъ сежъ <sup>28)</sup> въ свидѣтельство отъ Евангелія, прочихъ святыхъ писаній писанное, о написанной Пилатомъ титлѣ, и о семъ, о друзи, разсудите: тамо гдѣ <sup>29)</sup> четыре оныя буквы писати не предано и вообразати не написано, и за неписание ихъ раздиратися не велѣно. А и къ божественному Писанію прилагающіе или отъемлющіе, или развращающіе что —вѣсть ваше братство!—таковыхъ <sup>30)</sup> католическія церкви осужденію предаеть. Ко священному же Евангелію кривосказательнѣ прилагающіе преданіе о четырехъ буквѣхъ, яже тамо не написано, и на древнецерковное преданіе ратующіе,—како таковіи сами подпадаютъ подъ церковное свя-

<sup>20)</sup> 1252: Іс. Х.

<sup>21)</sup> 1252. 2555: Христовы

<sup>22)</sup> 1252. 1691: панагирномъ

<sup>23)</sup> 2555. 1252. 1691: старопечатными

<sup>24)</sup> 2555: на цолѣ: Тактиковъ, л. 197.

<sup>25)</sup> 1691: на Распятіяхъ

<sup>26)</sup> 1252. 2555: яже

<sup>27)</sup> 1252: четыре буквы

<sup>28)</sup> 1252: себѣ

<sup>29)</sup> 1691. 1252. 2555: нигдѣ

<sup>30)</sup> 1691. 1252. 2555: таковая

тыхъ запрещеній осужденіе! И <sup>31)</sup> ещеваго въ христіанѣхъ бывающаго душевредія оплакующе и скорбяще, мы, грубѣи, со слезами молимъ ваше <sup>32)</sup>, елицѣхъ учительныхъ, елицѣхъ миротворныхъ, въ состояніи мужей: умилилися и разсудите смиренномудренно о семъ жалостномъ христіанѣ разорваніи и душевредіи <sup>33)</sup>.

А еже отъ вашей страны за покупаніе брашенъ въ нутѣхъ съ торжищъ осуждаютъ ны тяжѣ, скверноядніемъ сія и достойными отлученія укоряюще, хульствуютъ, и брашна покупаемая и христіанскимъ на трапезахъ Бога благодареніемъ освящаемая, скверна и нечиста, — увы! — дерзостно именующе, противно апостолу Павлу, къ Коринѣомъ и Тимоѣю въ посланіяхъ о томъ пишущему, и сказателю тѣхъ божественному Златоусту и прочимъ многимъ святымъ; яко же и великій Аонасіи, въ странныхъ сущему и требующему снѣди, въ корчемницахъ купити повелѣ, — яже вся свидѣтельства краткости ради оставляемъ; но отъ самѣхъ васъ содержанія кратко вспомнимъ. Ибо у самѣхъ васъ, возлюбленніи, въ вашемъ согласіи, кто можетъ отъ торжищъ безъ покупанія брашенъ минути? ибо соль, медъ, масло, калачи покупаете. И аще скверноядства—съ торжища покупаемая брашна, и отлучатися за то должны <sup>34)</sup>, по вашихъ суду; то сами вы вси таковымъ сужденіемъ <sup>35)</sup>, скверноядственныхъ отлученіемъ <sup>36)</sup>, осуждаетея. О мужіе <sup>37)</sup>, братіе, разсудите неправаго и противнаго святыхъ разсужденіямъ суда и самѣхъ себе тяжко осудительнаго. Или и поклоны за брашна у васъ полагаются? но кто отъ святыхъ за торжищна брашна поклоны полагати повелѣ? и аще у самѣхъ васъ не по писанію сія творятся, како и за что прочіе пустынножителі отъ вашей страны всеу и тунѣ, паче же за древнее святыхъ содержаніе, осуждаются. Сихъ ради скорбяще мы такового душевредія, симъ краткочисаніемъ молимъ ваше братство: воздвигнитесь мужіе, братіе! воздвигнитесь боголюбнымъ <sup>38)</sup> нравомъ, расколъ <sup>39)</sup>, всѣянный отъ супостата діавола, въ христонменитыхъ людѣхъ умирати, потщитесь,—такъ съ поморскими пустынножителі, яко и съ прочими благочестно согласными любовное свой-

<sup>31)</sup> отсюда продолженіе 149 и 1089.

<sup>32)</sup> 1089: ваше боголюбіе

<sup>33)</sup> 149. 1089: дайте слѣдуетъ пропускъ до словъ: „симъ краткочисаніемъ молимъ...“

<sup>34)</sup> 1691: должно

<sup>35)</sup> 1691: вашимъ сужденіемъ. 1252: по вашихъ сужденіемъ. 2555: вашихъ сужденіемъ

<sup>36)</sup> 1691: въ скверноядствѣ и отлученіи

<sup>37)</sup> 1252: Мужіе

<sup>38)</sup> 1691: боголюбивымъ

<sup>39)</sup> 1089, 1691, 2555: расколъ сей

ство и о единогласіи <sup>40)</sup> христолюбное радѣніе возмѣти и о церковномъ благочестіи единоревностное усердіе стяжати. Ибо и оны, пустынножители, ваше братолюбіе всесердечно лобизають и вседушевно соболѣзнують <sup>41)</sup> и Господа Бога о васъ безпрестанно молять и о согласіи церковномъ съ вами возжелательно <sup>42)</sup> желаютъ. Аще бо божественный Златоустъ: ничтоже тако <sup>43)</sup> раздражаетъ Бога, яко еже церкви раздѣлятися, аще и безчисленная будетъ <sup>44)</sup> содѣявше благая, отъ иже тѣло Его пресѣдающихъ, не меньшую примемъ казнь, сѣдѣюще исполненіе церковное. Како, возлюбленніи, не убоимся гнѣва Божія, за расколъ церковный бывающаго и хотящаго быти? Или паки <sup>45)</sup>, самъ Христосъ глаголетъ: о семъ разумѣють вси, яко мои ученицы есте, аще любовь имате между собою. И паки: блажени миротворцы, яко тѣ сынове Божіи нарекутся. То не востечемъ ли, возлюбленніи, къ любовнѣй благодати, не возжелѣмъ <sup>46)</sup> ли миротворства ради быти сынове Божіи. Ей, да дастъ <sup>47)</sup> намъ Господь Богъ, въ плачевные сія <sup>48)</sup> и многоскорбные намъ дни сію радость христіанскаго согласія видѣти <sup>49)</sup>, и о благочестивыхъ преданіяхъ единогласно со святыми и между собою единопышущихъ <sup>50)</sup>; якоже древле по распрѣ и разгласіи между святыми Кирилломъ и Теодоритомъ и прочими восточными, паки любовное и единогласное соединеніе и о догматахъ единоумное разсмотрѣніе. О, да подастъ и намъ Господь Богъ сія воспріяти <sup>51)</sup>. Аще ли же ваша любовь паки и паки имѣти будете несогласеніе, за ради четырехъ оныхъ буквъ, яже мы, не вздѣвше у святыхъ писанныхъ <sup>52)</sup>, подобіѣ имъ не пишемъ на животворящемъ крестѣ: то благоволите намъ о ономъ надписаніи ясность показати и противъ письма и вопросовъ нашихъ отвѣтствовать <sup>53)</sup>.

1. Гдѣ въ божественномъ Писаніи предано и велѣно че-

<sup>40)</sup> 2555. 1252. 1691: о единогласіи

<sup>41)</sup> 1089. 1252: и вседушнѣ соболѣзнують

<sup>42)</sup> 2555. 1252. 1691: всежеланно

<sup>43)</sup> 1691: 2555: тако, глаголетъ

<sup>44)</sup> 1252. 2555: будемъ

<sup>45)</sup> 1691: Или како

<sup>46)</sup> 1252. 2555: не возжелѣмъ ли

<sup>47)</sup> 1089: Божіи. Да дастъ

<sup>48)</sup> 1089: сія времена

<sup>49)</sup> 1089: радость видѣти

<sup>50)</sup> 1089: единопышущихъ быти

<sup>51)</sup> 1089. 149: даѣе пропускъ до словъ: „Тѣмъ же съ плачемъ молимъ вашу любовь“.

<sup>52)</sup> 1691: писанны

<sup>53)</sup> 1252. 2555: отвѣтство написати. 1691: „и противъ... отвѣтствовать“—

тыре сія буквы сице <sup>54)</sup>, вмѣсто Пилатомъ тремя языки и цѣлыми рѣчьми написанныя титлы на крестѣ писати?

2. Кое святое Писаніе повелѣваетъ два надписанія на крестѣ писати,—едино: „Царь славы, Ісусъ Христосъ, ника“, второе на дѣцѣ: „І. Н. Ц. І.“?

3. Еже у васъ прочитаете о титлѣ изъ Евангелія и Сборника и прочихъ святыхъ книгъ,—кто отъ святыхъ, до васъ сіе о тѣхъ четырехъ буквахъ во свидѣтельство приводилъ <sup>55)</sup> и писати я повелѣ?

4. Кто отъ святыхъ толковниковъ сія буквы тако толкова, якобы писати на досцѣ креста за „Ісусъ“—І, за „Назарянинъ“—Н, за „Царь“—Ц, за „Іудейскій“—І?

5. Каяждо буква—съ титлою І или безъ титлы І предано вообразати, и что обоимъ протолкованіе?

6. Въ Толковомъ Евангеліи, о написанномъ Пилатомъ тремя языки титлѣ, пишетъ: еже тремя грамотами написанное являетъ бо Господа Царя быти, и по дѣланію и по существу богословія мудрости, и прочая. И вы четырьми буквами одинаго языка можете ли сію тайну изобразити и како изобразитѣ, и по коему божественному писанію? Сіе намъ объявите <sup>56)</sup>.

7. Еже Златоустъ, въ среду великую, о зависти жидовстѣй глаголетъ: а егда Пилатъ на досцѣ истину показа, гнѣваются и ставляете писати, что глаголаху: не пиши „царь жидовскъ“. И паки ниже: юродивыя бесѣды Филистимовы не ставляете <sup>57)</sup> писати, а славленія не писати Божія, ими же на небо правимы есмы. И понеже Пилатъ тремя языки и цѣлыми рѣчьми, а не четырьми буквами титлу на крестѣ написа, а жидове, царство Христова неприемлющіе и своимъ царемъ жидовскимъ Христу нарицатися не любящіе, тако глаголаху: не пиши „царь жидовскъ“, и сіе ихъ <sup>58)</sup> неприятіе царства Христова Златоустъ обличаше оными глаголы. Вы же како и по коему Писанію на преданіе четырехъ буквъ писати <sup>59)</sup>—сія Златоустова реченія проводите? Понеже святіи писавше надписаніе кресту „Царь славы, Ісусъ Христосъ <sup>60)</sup>, ника, а четыре оныя буквы не писавше—еда истины и славленія Божія не писаху? еда на небо не правимы суть?

8. Отъ которыхъ святыхъ тако предано, еже бы всѣмъ имѣти на крестѣ сія четыре буквы „І. Н. Ц. І.“ на знаме-

<sup>54)</sup> 1252. 2555: буквы: І. Н. Ц. І.

<sup>55)</sup> 1252: приводи

<sup>56)</sup> 1691: объясните

<sup>57)</sup> 2555. 1252. 1691: не ставляете

<sup>58)</sup> 1252: имъ

<sup>59)</sup> 2555. 1252. 1691: писати я

<sup>60)</sup> 1252: Іс. Хс.



нованіе Пилатомъ написанныя титулы, а кои христіане не будутъ имѣти написаны оны на крестѣ, пишуща „Царь славы, Ісусъ Христосъ, ника“ — и съ тѣми не имѣти ни части, ни жребія, и раздиратися за сіе съ православно живущими благочестивыми христіанъ?

И сія вся, мужіе братіе, смиренномудренно съ любовію разсмотрѣвши, потщитесь о сихъ со святыми единогласно дыхати, преданіямъ ихъ повинующеся. Аще ли же что вамъ мнится лучше разсужденіе имѣти, подвигнитесь на вышесказанныя <sup>61)</sup> отвѣтствованіе написати, отъ божественныхъ Писаній и отъ святыхъ преданій, а не отъ своесмыслительныхъ басней и отъ разсужденій нецерковныхъ; такожде и не клеветами, и не примышленіями и лжами, молимъ васъ, любезныхъ христіаномъ христіанъ <sup>62)</sup>, облагати, и не яростию и дерзостию осуждати прочіе благочестивые, якоже отъ вашихъ, сами мы слышавше, зѣло грубо и несмысленно дерзаютъ: погибшими весьма православныхъ за древлецерковная со держанія, съ клятвами кленущеся. безуміѣ осуждаютъ, сами погибающе хулою своею; и главою Христу титулу, четырьми буквами пишему отъ нихъ, грубогубіи именуяють, и клеветуеще лгутъ на пустынножителей, яко бы титулу съ креста стирають и главу Христову (о буквахъ сихъ глаголюще) съ креста снимають. Откуда явная, грубая ложь, ибо пустынножители на древнихъ Распятіяхъ и крестахъ тѣя четыре буквы писаны не имѣша, и на воображаемыхъ отъ нихъ, подписывающе подобіѣ старопечатнымъ книгамъ и древнеписаннымъ Распятіямъ, подписываютъ. Отъ поволубцевъ же нынѣшнихъ <sup>63)</sup> пустынножители иконописанія въ пустынножителство не выѣздиваютъ. Отуду, братіе, явная ложь отъ вашей наносится страны, — съ чего пустынножителямъ стирати тѣя буквы, гдѣ не написаны прежде? развѣ и сія хулы на святыхъ же касатися <sup>64)</sup> отъ вашей страны некакимъ образомъ будетъ, пбо святіи, якоже въ старопечатныхъ книгахъ, тако на древнихъ Распятіяхъ, не воображаю на крестѣ. А по вашихъ усердію, подобало бы имѣ быти, аки отъ Евангелія предано; святіи же, по тѣхъ сужденію, аки бы отняша сія. Тѣмъ же съ плачемъ молимъ вашу любовь: помилуйте, помилуйте, возлюбленніи, тако свои души, яко прочіе грубоумные, въ дерзостѣхъ своихъ увязающіе въ тяжкія хулы. Умилитесь, братіе, и о мирѣ христіанъ попекитесь, — разсмотрите и разсудите, потщитесь, возлюбленніи, о согласіи церковномъ, и миротворцы христоименнымъ людямъ будемъ, да сынове Божіи быти по-

<sup>61)</sup> 1691. 1252: на вышесказанные вопросы

<sup>62)</sup> 2555. 1252: молимъ вашу любовь, христіаномъ христіанъ

<sup>63)</sup> 2555. 1252: нынѣшнихъ

<sup>64)</sup> 2555. 1252: касается

лучимъ по священному святому <sup>65)</sup> гласу: блаженіи миро-творцы, яко тии сынове Божіи нарекутся. Да дасть же, дасть царь славы, Сынъ Божій, вашему братолюбію и намъ, грубымъ, единоголасно со святыми и съ другъ другомъ любовно и благолати, и мудроствовати. Ему же, всещедрому Владыкѣ, Ісусу Христу, буди о <sup>66)</sup> всѣхъ честь, и слава, и поклоненіе, съ безначальнымъ Его Отцемъ, и со Святымъ Духомъ, нынѣ и во вся вѣки, аминь <sup>67)</sup>.


<sup>65)</sup> 149: Спасову

<sup>66)</sup> 1252: отъ

<sup>67)</sup> Въ рук. Румянцевскаго музея № 2555 и 1252 есть приписка: „Съ сидевымъ писавіемъ посланъ бысть Иванъ Ѳеодоровъ въ Новозавоеваннаго града Юрьева Ливонскаго уѣздъ въ настоящемъ 7224 (№ 1252: 7222) году въ январь мѣсяцъ ко братіи, отторгшимся отъ согласія лѣтъ уже 10-тъ. И пріемше оны и прочетше, и по многомъ благолатіи отвѣщаши: аще хотять, рече, съ нами миръ и согласіе имѣти, тогда (№ 1252: то) пріимуть сей крестъ съ титулю (сирѣчь съ четырьми буквами: І. Н. Ц. І.) и поставять у себя въ часовни, а буде не пріимуть, и у насъ съ ними мира и согласія не будетъ. Вопросы же ихъ посланный Иванъ Ѳеодоровъ: скажите ми вкратцѣ Господа ради: аще кто на крестѣ надписаніе напишетъ по древнему преданію, яко же у святыхъ видится писано еже есть: Царь Славы, Іс. Хр. ника, или распятіе Господа нашего Ісуса Христа, и поклонятся будетъ, оныя же, по васъ, Пилатовы титулы четырехъ буквъ І. Н. Ц. І. не шшеть, и васъ хульствовать не будетъ, такожде и сообщатися съ вами не будетъ же: можетъ ли спастися? И отвѣщана: можетъ спастися. Противу же вышписанныхъ осьми вопросовъ отвѣта не ученища, но токмо сіе малое написавше, съ симъ крестомъ, и тако его отпустиша“.

Это „малое написаніе“ приводится здѣсь же: „Въ Кіевѣ, въ Антоіевѣ шецерьѣ, у Марка Гробоконателя, сей крестъ, кой оны на себѣ носилъ, и съ

І. Н. Ц. І.



каего дають воду пить людемъ, симъ изображень образомъ:

Да въ той же шецерьѣ у Ильи Муромца крестъ сложенъ двѣма перстами.

І. Н. Ц. І.



Симъ образомъ

крестъ въ книгѣ Лексиконѣ, печатной на

лѣтѣ 442, а печатанъ въ Кіевѣ въ лѣто 1627.

Есть крестъ въ Старой Русѣ, поставленъ въ моровое повѣтріе, казадъ тому 60 лѣтъ, а на немъ двѣ тилгы.

Первообразный же крестъ Христовъ, иже есть во Іерусалимѣ, съ него же и вси кресты изображаемъ, имѣетъ надписаніе Пилатово и вси приходящіе ему поклоняются.

## VIII.

Собраніе о титулѣ на крестѣ <sup>1)</sup>.

Собраніе въ показаніе желающимъ вѣдѣти о надписаніи животворящаго Креста, во объявленіе же хулити дерзающимъ несоизволяющіе писати четыре буквы І. Н. Ц. І. за Пилатово написаніе, писанное въ распятіе Христово тремя языки: еврейски, гречески, римски: Ісусъ Назарянинъ, царь іудейскій, еже они, умствующе, вмѣсто цѣлыхъ реченій четырьми буквами точію и вмѣсто трехъ языковъ единѣми словенскими исполнити. Вопрошаеми же: кто тогда <sup>2)</sup> отъ святыхъ по Распятіи Христовѣ на крестѣ одно Пилатово написаніе четырьми буквами вообрази? или въ коемъ церковномъ преданіи предадеся и засвидѣтельствовася тако писати? Сего не показующе, а иже по преданію церковному надписаніе вообразующіе Животворящему Кресту: „Царь славы ІС. ХС. ника“, прежде помяновенныя же четыре буквы не пишущіе, за ради опасенія, понеже у святыхъ не обрѣтесе тако писано: тые они гаждающе и аки преступники <sup>3)</sup>. Сего ради написася здѣ отъ свидѣтельствъ церковныхъ, яко древле святая Божія соборная и апостольская церковь имѣяше на крестѣ Христовѣ надписаніе кромѣ четырехъ буквъ, ихъ же за Пилатово написаніе воображаютъ.

Уставъ, еже есть „Око церковное“, избранъ святыми отцы отъ многихъ Типикъ: Іерусалимскаго, и Святыя горы, и отъ Студитова, и отъ многихъ святыхъ отецъ, и отъ Вселенскихъ святыхъ соборовъ, и преданъ святой Божіей церкви, въ немъ же въ чинѣ о панагії во главѣ 53 ѿ напечатанъ крестъ, како его на хлѣбѣ Пречистыя вообразати; надписаніе къ нему: „Царь славы ІС. ХС. ника“.

Вонмите здѣ: отъ вселенскихъ святыхъ соборовъ и отъ прочихъ святыхъ отецъ предано во всю вселенную Божіей церкви на хлѣбѣ панагії крестъ имѣти безъ Пилатова написанія. Еда сѣи презрѣша евангельское повелѣніе? или не узнаша его? смѣемо ли тако кому помыслити?!

Еще же въ книзѣ Потребницѣ печатномъ: иже имать въ себѣ духовнаго чина власть, рекше вся чины и послѣдованія, бываемая отъ іереей, яже глаголю: святыя тайны, предуставленныя отъ Спасителя нашего Христа и святыхъ Его духоносныхъ ученикъ, и апостоль, и святыхъ богоносныхъ

<sup>1)</sup> Рукоп. Румянцевскаго музея изъ собранія Ундольскаго № 1252, лл. 111—125. Варіанты по рукоп. Румянцевскаго музея № 2555, лл. 236—247 обор. Въ первой рукописи въ началѣ на почвѣ помѣчено: „Къ соизволяющимъ писати на крестѣ Христовѣ Пилатовъ назваменанную титулъ“

<sup>2)</sup> 2555: когда

<sup>3)</sup> 2555: преступники Евангелія оглаголюще

отець, и учитель,—освященіе свѣтымъ Божиимъ церквамъ и прочая. И въ немъ, въ чинѣ освященія церкви, напечатанъ <sup>4)</sup> крестъ, како его знаменовати на антимиѣхъ; надписаніе къ нему <sup>5)</sup> „Царь славы ІС. ХС. ника“.

Тамо же, на другомъ водружальномъ крестѣ, тоже надписаніе: „Царь славы ІС. ХС. ника“.

Разсудите и здѣ, боголюбцы: отъ самого Христа, и свѣтыхъ Его апостолъ, и богоносныхъ отецъ, во всю вселенную, всѣмъ Божиимъ церквамъ, на двою кресту, на антимиѣ, и водружальномъ, надписаніе безъ Пилатовыхъ писменъ предуставлено быти. Егда и здѣ презрѣно, или не вызвано святое Евангеліе? смѣемо ли тако <sup>6)</sup> умствовати?!

Въ Тетро-евангеліихъ московскія печати во Іоанновѣ благовѣстїи, въ зачалѣ 46-мъ, въ началѣ перваго страстнаго евангелія, на полѣ напечатанъ крестъ, надписаніе его: „Царь славы Ісусъ Хс. ника“—безъ Пилатовыхъ писменъ.

На дорникахъ въ древнее благочестіе, имъ же просфиро печаташа, на крестѣ надписаніе: „Царь славы ІС. ХС. ника“. Въ тѣхъ просфирахъ и агнецъ закалалася въ тайнодѣйствїи Тѣла и крови Христовы, а тожде безъ Пилатова написанія.

Древле въ благочестіе, и до нынѣ, христіане вси отъ сятаго крещенія на рамѣхъ у себе носятъ крестъ Христовъ, съ богословнымъ надписаніемъ, по обычаю церковному, тоже не имѣющъ Пилатова написанія.

Равноапостольный царь Константинъ устроилъ три кресты отъ чистыя мѣди по образу, показанному на небесѣхъ отъ Самого Христа, иже въ Пролозѣ сентября въ 14 день писано, и нарече свѣтыя имена сице: „ІС. ХС. побѣждаетъ“.

Внемлемъ и здѣ показанію не человѣческому, но Самого Христа, иже претерпѣ вольное распятіе, той показа и царю на небесѣхъ крестъ, и на немъ писати Пилатова написаніе не объяви, еже и равноапостольный царь не дерзнулъ чрезъ небесное оно Божіе показаніе написати его.

Еще же апостолъ Христовъ и евангелистъ Іоаннъ Богословъ, иже даде жезлъ съ распятіемъ преподобному Авраамію, Ростовскому чудотворцу, имъ же повелѣ сокрушити Велеса идола, творяща многи напасти мимоходящимъ людемъ. Еже и бысть. На немъ же, Распятїи, нѣсть Пилатова написанія, имать же воображено „ІС. ХС. ника“. Сїе же Распятіе въ монастырѣ преподобнаго Авраамія имѣется, о данїи же жезла и о сокрушенїи идола въ житїи Аврааміевѣ написано.

Внимаемъ, о мужїе, братїе, иже бѣ по Христовѣ распятїи, и повѣствовавый во Евангелїи, яко написа Пилатъ титулу и положи на крестѣ, той на данномъ Преподобному Распя-

<sup>4)</sup> 2555: освященія напечатанъ.

<sup>5)</sup> 2555: съ надписаніемъ.

<sup>6)</sup> 2555: тако кому.

гн не предаде тоя титлы. Аще бы ради законоположенія. еже писати, во Евангеліи написана было, како самъ написавый Евангеліе презрѣлъ бы? Что сихъ свидѣтельствъ яснѣйше, что же ли достовѣрнѣйше быти можетъ?

Въ Преславѣ-Залѣскомъ въ соборной церкви, въ ризницѣ, крестъ съ Распятіемъ сотворенъ по его подписи: въ лѣто 6.660 году благовѣрнымъ великимъ княземъ Георгіемъ Владиміровичемъ Долгорукимъ, а на немъ на самой досцѣ надписаніе: ІС. ХС.

На Москвѣ въ соборной Успенской церкви на запрестольномъ Крестѣ, изъ Корсуня принесенномъ, на среднемъ кружѣ Распятіе мусією писано: надписаніе на досцѣ: ІС. ХС.

Ту же на Евангеліи во алтарѣ, старописанномъ, въ часовничной листѣ, Распятіе, на немъ надписаніе на досцѣ: „Распятіе Господне“, выше: „ІС. ХС.“.

Ту же лежитъ крестъ съ Распятіемъ, благословящій, съ мощи святыхъ, сотворенъ серебромъ и позлащенъ въ лѣта 7.155, и данъ по ризѣ Господни. Надписаніе на досцѣ: „ІС. ХС.“, выше: „Распятіе Господне“.

Ту же златосіяющій благословящій крестъ, съ Распятіемъ, и съ мощи святыхъ, сотворенъ при царѣ Феодорѣ Ивановичѣ и патріарсѣ Іовѣ, повелѣніемъ царicy. лѣта 7103 году: надписаніе на досцѣ „ІС. ХС.“.

Тамо же, въ крестохранильницѣ, драгоценный крестъ съ Распятіемъ, благословящій, вынизанъ жемчугомъ въ немъ и часть животворящаго древа, и мощи Петра митрополита, и инѣхъ святыхъ; сотворенъ при томъ же царѣ Феодорѣ<sup>7)</sup> и патріарсѣ Іовѣ, лѣтъ 7102; надписаніе на немъ „ІС. ХС.“.

Въ той же церкви на ковчежцѣ, въ немъ же риза Господня, крестъ съ Распятіемъ, на немъ надписаніе „Царь славы ІС. ХС. ника“.

Вторый ковчежець, вищій, въ немъ же, благолють, риза Господня, изъ Грузинъ припесена; на немъ крестъ и надписаніе „Царь славы ІС. ХС. ника“.

На Москвѣ же, въ соборной церкви Благовѣщенской, надъ Деисусомъ, дванадесять праздниковъ. Межъ ними распятіе Господне; надписаніе на немъ: „Царь Славы ІС. ХС. ника“.

Въ притворѣ тоя церкви, у западныхъ вратъ, вверху стѣннымъ писаномъ писанъ образъ Распятія. На немъ надписаніе: „Распятіе Господа нашего Іеуса Христа“.

Въ приказѣ Большія казны стоитъ крестъ мѣднолитый при царѣ Михаилѣ Феодоровичѣ; надписаніе на немъ: „Царь славы ІС. ХС. ника“.

Въ Дадорѣ, въ Васильевскомъ монастырѣ, изъ монастыря Валаамскихъ чудотворцевъ вывезенный благословящій крестъ съ Распятіемъ, рѣзный; надписаніе имѣющъ вырѣзано на досцѣ: „Царь Славы“ и на прочихъ древахъ „ІС. Христосъ ника“.

<sup>7)</sup> 2555: Феодоръ Ивановичъ

Въ Соловецкомъ монастырѣ, въ часовнѣ, идѣже преподобнаго Германа мощи, крестъ каменный, на немъ Распятіе писанное, надписаніе изваянное: „Царь Славы ІС. ХС. ника“ А предъ Распятіемъ написанъ преподобный Савватій молебнымъ образомъ. Тако и благолють, яко ѡна преподобная отцы Савватій и Засима предъ онымъ Распятіемъ молиастася.

Тамо же, въ казнь церковной, крестъ благословящій съ Распятіемъ, весь златый, обложенъ жемчугомъ, съ мощми святыхъ, даніе царя Ивана Васильевича Филиппу, игумену Соловецкому; надписаніе на немъ: „Царь славы ІС. ХС. ника“.

Тамо же, въ соборной церкви, юже устрои Филиппъ митрополитъ, бывшій игумень тогда, въ двенадцати праздницѣхъ крестъ съ Распятіемъ. Въ той же церкви и другій крестъ съ Распятіемъ, а на тѣхъ крестахъ, яко же и на прочихъ древнихъ, нѣсть на досцѣ четырехъ словъ (І. Н. Ц. І.) за Пилатово написаніе.

Тамо же, надъ трапезою вверху, служба Димитрія великомученика, образъ его мѣстной, въ десницѣ персты сложены на знаменіе крестное по древнему: держать въ нихъ крестъ триоставный, надписаніе имѣющъ: „Царь славы ІС. ХС. ника“.

Еще же и близъ пристанища, на мѣстѣ, идѣ же при преподобномъ Засимѣ купецъ просфору оброну, крестъ съ Распятіемъ дивно вырѣзаннымъ, надписаніе имѣющъ: „Царь славы ІС. ХС. ника“.

Надъ кладеземъ преподобнаго Засимы, въ часовни, поставленъ крестъ съ Распятіемъ рѣзнымъ въ лѣта 7163 году, надписаніе имѣющъ: „Царь славы ІС. ХС. ника“.

Ту же стоитъ крестъ въ часовнѣ, поставленіе Принарха, игумена Соловецкаго; надписаніе на немъ: „Царь славы ІС. ХС. ника“.

Надъ Филипповымъ кладеземъ поставленъ крестъ съ Распятіемъ рѣзнымъ, въ часовнѣ, лѣта 7163 году: надписаніе на немъ: „Царь славы ІС. ХС. ника“.

Суть же и ини мнози животворящіе кресты, яко на Соловецкомъ и Заецкомъ<sup>\*)</sup>, тако и на прочихъ тамо отцѣхъ, имѣющіе внизу лѣта и имени поставляющихъ рѣзаніемъ, знаменаны и ихъ<sup>\*\*)</sup> же отъ древлеблагочестивыхъ отцевъ или мірскаго чина христіанъ ставлены познаваются. На тѣхъ всѣхъ воображено на вышней досцѣ: „Царь славы“, на среднепоперечномъ дрѣвѣ: „ІС. ХС.“, на подножіи же: „ника“, а тѣхъ четырехъ буквъ за Пилатово написаніе нѣсть.

А которіи кресты, по знаменанному лѣтоименованію ихъ, послѣди древнихъ отцевъ отъ нынѣшняго, духовнаго или мірскаго, новолубцевъ чина ставлены, на тѣхъ и тыя четыре буквы на досцѣ вырѣзано.

\*) 2855: Залецкомъ

\*\*) 2555: и же

И по сему явствуетъ отъ конхъ время и отъ конхъ тѣ четыре буквы писатися тамо начаша.

Вкупѣ рещи: по различнымъ Россійскія державы градомъ и монастыремъ, яко въ Соловецкой обители, тако и въ прочихъ, и мѣдныя распятія Иринарха, Ростовскаго чудотворца, и прочіе древлероссійстѣи и благословящіе кресты, ихъ же колико множество видѣни и свидѣтельствовани, которіи до Никонова премѣненія писаны и литы, и конъ точію отъ нынѣшнихъ<sup>10)</sup> иконописцевъ не преписывани, на нихъ же всѣхъ, яко же и на вышепоказанныхъ, аще и различными надписаніи, прославляется честное и пречестное Исуса Христа имя, но обаче всюду обрѣтесе согласіе, еже безъ Пилатова написанія.

Еще же и преподобный Никонъ черныя горы въ книгѣ, глаголемой Тактиконѣ въ словѣ 38-мъ предлагаетъ: „Паки блюдохъ всюду честные кресты, надчертаемы овъ сице, овъ же инако, а не въ едино надписаніе, о сихъ убо азъ недоумѣю. Искахъ съ трудомъ подабающее надписаніи, лучшее увѣдати и сего ради, написавъ, послахъ въ соборную церковь патріархіи антиохійскія. Они же, испытавше о семъ опасно, списаша ми сице: яко лучше есть не писовати<sup>11)</sup> святыя честныя кресты „ІС. ХС. сынъ Божій“.

Вонмемъ, како и сей толкъ и таковъ мужъ, иже все божественное Новое и Ветхое Писаніе вѣдый, ему же дерзновеніе учительства слова Пречистая Богородица даде, яко же въ Книгѣ „о вѣрѣ“ на листу 197-мъ пишетъ,—еда и сей преподобный не зналъ быше<sup>12)</sup> въ Евангеліи повѣствованнаго, еже Пилатъ положи титлу на крестѣ, а ищетъ съ трудомъ: како лучше творити надписаніе? И виждь его не дерзкое и не горделивое, не самъ о себѣ дерзну что, но вопросы у отецъ въ патріархіи. Что же въ патріархіи: еда не вѣдаша Пилатомъ написанныя титлы, а не предаша ю писати, но повѣдѣша написовати „ІС. ХС. сынъ Божій“.

Къ сему же и на Корсунскихъ вратахъ въ Великомъ Новѣ-Градѣ на Распятіи греческія буквы написаны, яже искуснѣ вѣдущіе глаголютъ: всѣхъ сихъ знаменуетъ не Пилатово написаніе, а наипаче даетъ знати, яко не четыре буквы, и тѣ, ими же Пилатово написаніе знаменается.

Паки же въ Великомъ Новѣ-Градѣ на Волховскомъ мосту чудный крестъ сотворенъ съ Распятіемъ при благочестивомъ царѣ Иванѣ Васильевичѣ и при святѣйшемъ и приснопамятнѣмъ Макаріи митрополитѣ, его же во многихъ житіяхъ Россійскихъ чудотворцевъ спсатели велика мужа въ добродѣтели и въ вѣдѣніи божественнаго Писанія и бодрого пастыря церкви Божіей именууть<sup>12)</sup>. Онъ же собра 12 Ми-

<sup>10)</sup> 2555: премѣненія отъ нынѣшнихъ.

<sup>11)</sup> 2555: написовати

<sup>12)</sup> 2555: именууютъ.

ней мѣсячныхъ Четыхъ, въ нихъ же книги Новаго и Вѣтхаго Завѣта и Толкованія ихъ списа. То и при толико славнѣйшомъ пастырѣ на ономъ чудотворномъ Распятіи не написано Пилатово написаніе, но на самой досцѣ: „Царь Славы“ и на прочихъ составѣхъ „ІС. ХС. ника“ вообразено.

Ту же другое Распятіе сотворено при царѣ Ѳеодорѣ Іоанновичѣ, на немъ надписаніе тожде: „Царь славы ІС. ХС. ника“.

Паки же въ Миней августовой вышереченнаго митрополита Макарія, въ книгѣ Козмы Индикоплова, крестъ вообразенъ, на немъ нѣсть Пилатова написанія.

Въ той же Миней на антимиѣ вообразенъ крестъ, надписаніе имѣющъ: „Царь славы ІС. ХС. ника“.

Но понеже не невѣденіемъ покрываема мати наша церковь древняго благочестія, юже, по пророку Аввакуму, слава Спасова покры, многимъ сущимъ, неудобъ разумѣваемымъ, речемъ въ книгахъ и надписаніихъ на святыхъ вещьхъ или гдѣ како подписовати. Тѣмъ же при благочестивыхъ князѣхъ и царѣхъ во Алоавитѣ тѣмъ толкованіе и указаніе сказано. Въ немъ же о крестѣ жпвотворящемъ писано о подножіи: чесо ради и како пишется. Въ немъ же крестъ въ лицахъ вообразенъ, надписаніе его: „Царь славы Іс. Хс. ника“. Подъ нимъ „ника“ толковано сице: „ника“ сказуется, побѣда на діавола и побѣдитель врагомъ, а самъ не побѣдимъ ни отъ кого же“, и инія рѣчи, яже окрестъ его толкованы, а титулы, Пилатомъ написанныя, на томъ крестѣ не написано.

Ельма убо вся сіи въ вышереченныхъ отъ святыхъ книгъ и отъ надписаній показаніяхъ святіи апостоли и святіи соборы, и прочіи богословцы, и благочестивіи цари и архіереи, не писаша на честныхъ крестахъ Пилатова написанія?

А глаголющѣ, яко святое Евангеліе повелѣ писати, придаютъ тѣмъ на вышереченныхъ безчисленныхъ святыхъ оглаголаніе, аки презрѣвшихъ Евангеліе Спаса Христа, и сами умудряющеса, аки свыше ихъ отъ Евангелія уразумѣша писати. А наипаче отъ нѣкихъ таковы дерзостныя износятся рѣчи: „могоша и древніи не узнати, а святое Евангеліе повелѣваетъ; чесо ради не писати“. Оле, дерзостнаго здѣ гласа, зазоръ на отецъ наносящаго! Понеже и латыни, и нѣмцы, и Никонова согласія держащіеся на Распятіяхъ пишутъ Пилатомъ написанную титулу. И толико тщаливы нынѣшніи иконописцы, яко и на старыхъ Распятіяхъ переписываютъ<sup>13)</sup>. Еда и они лучше святыхъ познаша Евангеліе Спаса Христа?

Не понеже убо во святѣмъ Евангеліи отъ евангелистовъ, еже во время распятія Христова распинающіе Его титулу или вину написаша повѣствовано, тако же и у святыхъ о томъ различныя сказанія, повелѣнія впредь будущее писати не написано. И что ли о ономъ сказаніи Святіи сказующе, но

<sup>13)</sup> 2555: приписываютъ



обаче на животворящемъ крестѣ надписаніе не Пилатовыми рѣчьми, но яко же ихъ Духъ Святыи просвѣти, тако богословію Спасу Христу на крестѣ пзобразиша, яко же выше облакъ свидѣтельство достовѣрныхъ показахомъ.

Тѣмъ же и мы святая Евангельская и прочихъ святыхъ словеса любизаемъ, прилагати же къ нимъ свое толкованіе, коего тамо повелѣнія не написано, не смѣемъ. И яко же во иныхъ, еиде и въ надписаніи крестномъ. соблюдаемъ, искушенная отъ толковыхъ святыхъ мужей въ древнемъ благочестіи и время благопріятныхъ. согласно съ ними на крестѣ надписаніе пишемъ. Потязанія наводити на ихъ преданія не смѣемъ, свою немощь познавающе, ниже древнихъ благочестивыхъ царей и патріарховъ потязати дерзаемъ, ниже смѣемъ умаляти отъ ихъ написанной богословіи на крестѣ, аки бы несовершенны, но точію соблюдати у ихъ содержимая утверждаемъ, слышаще и Милетіево во 2-мъ Посланіи утверженіе: Стойте, держаще отеческая преданія не превратна ни въ чемъ же богоносныхъ отцевъ потязалоше, но ниже Божіихъ людей православныхъ потязати изволяюще <sup>14)</sup>.

А иже принуждающіе четыре буквы, яко бы Пилатово написаніе, во второе со святыхъ Отецъ богословнымъ надписаніемъ. писати. — да рекуть: откуда сеи законъ, и кто рече, и кто отъ святыхъ тако тыя буквы писати повелѣ? Второе: да покажутъ, кто по Распятіи Христовѣ отъ святыхъ апостоль, и святыхъ отецъ, и благочестивыхъ царей и архіереевъ, и въ старопечатныхъ московскихъ книгахъ, и на Распятіяхъ, толико свидѣтельствовавшихся, яко же выше показаша, тако тыя буквы на крестѣ написа и церкви предаде? Третье: да явять, аще по ихъ, священнаго Евангелія и прочихъ святыхъ Писаній, есть сицевое повеленіе, еже писати тыя буквы, чесо дѣля святіи, ихъ же явихомъ, не писаша? Еда не узнаша, яко подобаетъ писати, или узнавше презрѣша. или за кій разумъ не благоволиша? Четвертое: да дадутъ объясненіе несогласному ихъ себѣ самѣхъ разумѣнію, еже, истолкующе, возводятъ, яко законъ и повелѣніе Евангельское и похвала Христу есть, еже по ихъ писати. А егда услышатъ отъ кого, яко святіи не писаша, тогда они же, обращающе слово, глаголютъ: „идѣ же и не пишется. — и сіе благо же, и праведно. и приемерно есть“. Убо будетъ ли право сицевое ученіе: проповѣдающе Евангельскимъ повеленіемъ и похвалою Христу, еже писати? Аще ли же кто и не послушаетъ, по ихъ, Евангелія. и не пишетъ, и сіе пмъ же

<sup>14)</sup> 2555: послѣ словъ: „во второмъ Посланіи утверженіе“ слѣдуетъ: „Вы же, пребывающе, проповѣдающе Христово имя, иже и стадо Христово потомъ обуревающихъ. Здѣ словеса Мелетія. Выше зри Кириллово слово о опрѣсноцѣхъ, — еиде: прикладающихъ же что, или отъемлющихъ, или инако претворяющихъ, аще и самъ будетъ крайнѣйшій учитель кто, чадо же слушати, не удалитися такового, и прочая

за доброе прїимати и проповѣдати? Пятое: да возвѣстятъ же, кто отъ святыхъ сіе догматствовать двоесуственно: еже кто пишеть на крестѣ тѣя буквы похвально, кто и не пишеть прїемлемо, тако предаде и въ коемъ божественномъ Писанїи сице написано? Шестое: да явять глаголющїе, яко гдѣ на крестѣ вообразитя распятаго Христа плоть, тамо подобаетъ тѣми буквами титло вообразити, а идѣ же безъ воображенїя плоти крестъ, тамо не подобаетъ той титлы быти. Кто отъ святыхъ сіе тако уместовати написа и въ коемъ божественномъ Писанїи сице засвидѣтельствовася?

И егда у святыхъ узаконено—яснѣ сія покажутъ, тогда и другимъ предавати незазорно и послушати кому несумнѣнно. Аще ли же сія вся у святыхъ предаема не являютя и творимая обрѣтаютя, како не устрашимся писати тѣ, яже у святыхъ не бѣ? или како не возбоимся предавати сія, яже прежде церковно не предадеса? Къ сему же и сіе: яко святїи не писаша тїи буквы на крестѣ, латыни же и нѣмцы и прочїи противовѣрцы, пишуще сія, не усумнился въ сихъ разглашатя со святыми, соглашатиже съ противовѣрными. А наипаче, яко всюду Писанїю вопїюшу: да не прїимемъ новинъ, яко же въ Книзѣ „о вѣрѣ“ на листу 224-мъ завѣщаваеть: сего ради всеми сидами всякъ тпачися новиненъ есть, яко да въ прїятїи новинъ подъ анаоему не подпадетъ, при которой искушенїе казни злыя срѣтаеть небрегущихъ о семъ. Еже, не обрѣтше о четырехъ буквяхъ въ московскихъ старопечатныхъ книгахъ и во инѣхъ церковныхъ изображенїяхъ ясныхъ свидѣтельствъ, избирають утверженїе отъ книгъ, яже бѣлорусцы въ Польшѣ печаташа, яко же во обою бесѣду: въ заставцахъ Распятїа безъ вышнїа дски и со обвѣшенїемъ напечатанїа, надъ ними же и вышереченнїа буквы,—и тѣмъ утвержатя себе мнать, и поклонятя сицеву безъ четвертой части высшей дски изображенїю креста извѣщаютъ<sup>15)</sup>.

Въ житїи же Святаго Кирилла Философа, учителя славонскаго, написано, егда вопроси его Аннїи патріархъ: Рцы ми, юноше, како кресту, разорену суцу, не кланяемя ему, ни лобызаемъ его; а вы, аще лице до перси токмо будетъ, вконную ему честь творяше, не стыдитесь? Философъ же отвѣща: четыре бо части крестъ имать и аще едина его часть убудеть, то уже своего лица не являетъ. А они безъ четвертой части, верхней дски, крестъ совершенъ и поклоняемъ быти утвердиша и въ свидѣтельство приводити не стыдятся. Понеже есть въ тѣхъ печатѣхъ и ино несогласїе съ московскими древними печатѣми: пречистаго Владыки имя „Исусово“ въ инѣхъ мѣстѣхъ „Исусомъ“, такожде и „во вѣки вѣковъ“, согласно съ никонїанскимъ. И въ Бесѣдахъ на Дѣяніе на страницѣ 181, вмѣсто святаго крещенїа, обливанїе въ лицѣхъ напечатано, тако солгано: аки бы апостоль Филиппъ внуха обливаше. Зане тїи печатники не подъ русскими благочести-

<sup>15)</sup> 2555: изображаютъ

выми цари и патриархи, но подъ польскими крали, аще и греческаго согласія держащися, пребываху. Но Филаретъ, святѣйшій патриархъ, про ихъ даетъ вѣдати, многая въ нихъ видѣ несогласія церковная въ самѣхъ тѣхъ христіанѣхъ, яже суть бѣлорусцы въ нихъ парицаются. И тако, на сихъ свидѣтельствахъ утвержатися ненадежно.

А еже ревнующіе писатися на крестѣ четыремъ буквамъ, на не согласующіе имъ о семъ за опасеніе, понеже у святыхъ тако не видѣся, смѣлостію изглашаютъ клятвы и не благословенія, гажденія же и отлученія. Сія скорби и ненавидѣнія, аще и многи печали и тяжести наносятъ, но обаче въ единомъ согласіи со святыми и во единомъ полцѣ съ ними, имѣюще въ подкрѣпленіе самого Царя славы, глаголющаго: нѣсть ученикъ надъ учителемъ своимъ, ниже рабъ надъ господиномъ своимъ. Аще Господина дому всельзевула нарекоша, кольми паче домашніе его? И аще міръ васъ ненавидитъ, вѣдите: яко Мене преже васъ возненавиде. И сими да утѣшаемся во исцѣленіе же глаголющимъ, въ познаніе устрашающимся, клятвъ и отлученій отъ собранія преподобнаго Іосифа Володскаго предлагаемъ. Отъ житія святаго Симеона, иже на дивнѣй горѣ: Великаго Симеона, иже на дивнѣй горѣ чудотворца, презвитеръ нѣкій завистію побѣждаетъ, бывъ, проклятъ. И абіе видѣвъ множество бѣсовъ, пришедшихъ къ нему и связавше его обаки рукама, яко не мощи ему оттолѣ и святаго Евангелія прочитати. Виждь: аще кто недостойнѣ прокленеть или свяжетъ, себе прокленеть и свяжетъ, яко и презвитеръ. Святаго Діонисія Ареопаргита: Яко аще святитель, паче воля Божія, отлучить, не послѣдуетъ ему божественный судъ. Василія Великаго: Аще кто творитъ кого безъ благословенія быти безвременно, самъ да будетъ безъ благословенія. Святаго Анастасія Синайскаго: Егда восходите <sup>16)</sup> въ домъ, глаголите: „миръ дому сему“ и аще будетъ тѣ Спасъ <sup>17)</sup> мира,—миръ вашъ почіетъ на немъ; аще ли же не будетъ достоинъ,—миръ вашъ къ вамъ возвратится. Аще убо миръ паки ко онѣмъ возвращается, зане же не обрѣсти достойна себѣ,—множае паче неблагословеніе и клятва возвратится на главу неправедно ту посылающаго, яко неповиннѣ сущу оному пріятію, къ нему же послана бысть. Всякъ убо всеу не благословляя и проклиная, себе не благословляетъ и проклиняетъ. Глаголетъ бо Соломонъ: яко же летающіе птенцы,—суетная клятва не вселится ни въ единого же. Попущающе убо Богу, яко же рѣхомъ: настають безумные на мудрые и нечестивые на благочестивые, неправедные <sup>18)</sup> на праведные, уничтоживающе и обидяще.

<sup>16)</sup> 2555: входите

<sup>17)</sup> 2555: сынъ

<sup>18)</sup> 2555: непреподобные



# САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия Русской Православной Церкви – высшее учебное заведение, целью которого является подготовка священнослужителей, преподавателей духовных учебных заведений и специалистов в области богословских и церковных наук. Подразделениями академии являются: собственно академия, семинария, регентское отделение, иконописное отделение и факультет иностранных студентов.

## *Проект по созданию электронного архива журнала «Христианское чтение»*

Проект осуществляется в рамках процесса компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта – ректор академии епископ Гатчинский Амвросий. Куратор проекта – проректор по научно-богословской работе священник Димитрий Юревич. Материалы журнала подготавливаются в формате pdf, распространяются на компакт-диске и размещаются на сайте академии.

**На сайте академии**  
**[www.spbda.ru](http://www.spbda.ru)**

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки